

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA KUMI NA MOJA**

**KIKAO CHA HAMSINI NA TATU**

**19 JUNI, 2018**



# ORODHA YA SHUGHULI ZA LEO

## MKUTANO WA KUMI NA MOJA

KIKAO CHA HAMSINI NA TATU – TAREHE 19 JUNI, 2018

I. DUA:

II. HATI ZA KUWASILISHA MEZANI:

**WAZIRI WA UJENZI, UCHUKUZI NA MAWASILIANO:**

Taarifa ya Mwaka na Hesabu zilizokaguliwa za Bodi ya Mfuko wa Barabara kwa Mwaka wa Fedha 2014/2015 [*The Annual Report and Audited Accounts of the Roads Fund Board for the Financial Year 2014/2015*].

III. MASWALI:

**OFISI YA RAIS (TAMISEMI):**

**447. MHESHIMIWA SAED AHMED KUBENEA (UBUNGO):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Mhe. Rais wa Awamu ya Nne alipotembelea Kituo cha Afya cha Palestina

kilichopo Kata ya Sinza alitangaza kukipandisha hadhi kuwa Hospitali ya Wilaya. Hata hivyo bado Serikali inaendelea kuipatia fedha Hospitali hiyo kama Kituo cha Afya:-

Je, ni lini Serikali itaitambua Hospitali hiyo kama Hospitali ya Wilaya kwa kuipa fedha na vitendea kazi vinavyofanana na hadhi yake.

**OFISI YA MAKAMU WA RAIS (MUUNGANO NA MAZINGIRA):**

**448. MHESHIMIWA MWANTUM DAU HAJI (VITI MAALUM):**

Atamuuliza Mheshimiwa Waziri wa Nchi, Ofisi ya Makamu wa Rais (Muungano na Mazingira):- Kilimo cha Tanzania hutegemea mvua za msimu ambazo kwa kiasi kikubwa zimeathiriwa na mabadiliko ya tabia nchi na hivyo kuathiri shughuli za uzalishaji:-

Je, Serikali ina mpango gani wa kukabiliana na athari za mabadiliko ya tabia nchi.

## **WIZARA YA MALIASILI NA UTALII:**

### **449. MHESHIMIWA DKT. JASMINE TISEKWA BUNGA (VITI MAALUM):**

Atamuuliza Mheshimiwa Waziri wa Maliasili na Utalii:- Mkoa wa Morogoro una vivutio vingi sana vya Utalii ambavyo vikitumika vizuri vinaweza kuchangia pato la Taifa na Wananchi kwa ujumla; Moja kati ya vivutio hivyo ni pamoja na Mbuga za Hifadhi ya Wanyama Mikumi ambayo inaongeza mapato mengi lakini Mbuga hizo hazina Hoteli nzuri za Kitalii zenye kukidhi viwango vya Kimataifa, kutokana na kuungua kwa Hoteli ya Kitalii ya Mikumi:-

Je, Serikali ina mpango gani wa kujenga Hoteli kubwa za Kitalii ndani ya Mbuga ya Mikumi ili kuvutia Watalii wengi.

### **450. MHESHIMIWA ESTER ALEXANDER MAHAWA (VITI MAALUM):**

Atamuuliza Mheshimiwa Waziri wa Maliasili na Utalii:-

Je, ni lini Serikali itatengeneza barabara ya Serengeti ambayo ni Mbovu kiasi cha kufanya Watalii kukataa kupita huko.

**451. MHESHIMIWA MARWA RYOBA CHACHA  
(SERENGETI):**

Atamuuliza Mheshimiwa Waziri wa Maliasili na Utalii:- Kumekuwepo na tabia ya Maaskari wa SENAPA kuwakamata Wananchi ndani ya Hifadhi na wakati mwingine wasipowauwa huwapeleka mbali na Mahakama za Wilaya ya Serengeti:-

- (a) Je, ni lini vitendo vya mauaji ya watu wanaozunguka Hifadhi ya Serengeti vitakoma;
- (b) Je, ni lini Maaskari wa SENAPA wataacha kuwapeleka Watuhumiwa waliokamatwa ndani ya Hifadhi nje ya Mahakama za Wilaya.

**WIZARA YA NISHATI:**

**452. MHESHIMIWA ALFREDINA APOLINARY  
KAHIGI (VITI MAALUM):**

Atamuuliza Mheshimiwa Waziri wa Nishati:- Wananchi wa Kagera wana tatizo la umeme na umeme wa REA II umeingia katika “center” za Vijiji tu:-

Je, ni lini Wananchi hao watapatiwa umeme ili waondokane na adha ya kutumia vibatari.

**WIZARA YA VIWANDA, BIASHARA NA UWEKEZAJI:**

**453. MHESHIMIWA HASSAN ELIAS MASALA  
(NACHINGWEA):**

Atamuuliza Mheshimiwa Waziri wa Viwanda, Biashara na Uwekezaji:-

Je, Serikali ina mpango gani juu ya Wawekezaji walioshindwa kuendeleza Viwanda vya kukamua mafuta vya Ilulu na Kiwanda cha Mamlaka ya Korosho Wilayani Nachingwea.

**WIZARA YA KILIMO:**

**454. MHESHIMIWA ABDALLAH DADI CHIKOTA  
(NANYAMBA):**

Atamuuliza Mheshimiwa Waziri wa Kilimo:- Wakulima wa Mbaazi wa Mikoa ya Mtwara na Lindi wameshuhudia kuporomoka kwa bei katika msimu wa mwaka huu pamoja na kwamba walihamasika kulima kwa wingi:-

(a) Je, ni nini kilisababisha kuporomoka kwa bei ya Mbaazi;

(b) Je, Serikali inachukua hatua gani ili kuhakikisha hali hiyo haijitokezi msimu ujao.

**455. MHESHIMIWA MOHAMED OMARY MCHENGERWA (RUFJI):**

Atamuuliza Mheshimiwa Waziri wa Kilimo:- Mradi wa kilimo wa Rubada – Rufiji, umekuwa mradi wa kitapeli; ambao watu wachache wanajinufaisha na rasilimali za Rufiji bila ya wana Rufiji kupata maendeleo yoyote:-

Je, ni lini Serikali itafikiria kuleta mradi wa kilimo katika Bonde la Mto Rufiji ambalo kwa miaka mingi liko tupu bila shughuli yeyote ya Kilimo hasa ikizingatiwa kuwa Bonde hilo lina kila kitu.



**WIZARA YA MAJI NA UMWAGILIAJI:**

**456. MHESHIMIWA JOSEPHINE JOHNSON GENZABUKE (VITI MAALUM):**

Atamuuliza Mheshimiwa Waziri wa Maji na Umwagiliaji:- Upatikanaji wa maji safi na salama katika Mji wa Kasulu bado ni changamoto kubwa sana, kwani maji yanayotoka kwenye mabomba ni machafu:-

Je, ni lini Serikali itatoa pesa kwa ajili ya kununua chujio la maji ili Wananchi waweze kupata maji safi na salama.

#### **IV. HOJA ZA SERIKALI:**

##### **WAZIRI WA FEDHA NA MIPANGO:**

Kwamba, Bunge likubali kujadili Hali ya Uchumi wa Taifa kwa Mwaka 2017 na Mpango wa Maendeleo wa Taifa kwa Mwaka wa Fedha 2018/2019.

Kwamba, Bunge likubali kupitisha Mapendekezo ya Serikali kuhusu Makadirio ya Mapato na Matumizi kwa Mwaka wa Fedha 2018/2019.

*(Majadiliano yanaendelea)*

**DODOMA**  
**19 JUNI, 2018**

**S. KAGAIGAI**  
**KATIBU WA BUNGE**